

Иисус Христослэн вордйськонэз

1 Со нунальёсы быдэс дуннеысь калыкез гожъян сярысь Август кесарьлэн косонэз потэм. 2 Квириниялэн Сириен кивалтыса улон дыръяз, та нырысетйез калыкез гожъян вылэм. 3 Ваньзы, котькудйз аслаз городаз гожтйськыны мынйллям. 4 Галилеяысь Назарет карысь Иосиф но мынэм Иудеяе, Давидлэн Вифлеем шуон городаз. Уго со вылэм Давидлэн юртысьтыз, выжыысьтыз. 5 Со гожтйськыны мынэм кышноеныз Марияен. Соку Мария секытэн вылэм. 6 Соос отын луон дыръя, Солы нуны вайыны дыр вуэм. 7 Ваем нырысетй Пизэ, кутэтэн бинялтэм Сое но турын тыронэ понэм, малы ке шуоно, кунокуаын соослы инты сюримтэ. 8 Со шаерын пудо возмасьёс уин бусыын пудо уллэзэс возмаса пуко вылэм. 9 Шөдтэк шорысь соослы Кузё-Инмарлэн кылчинэз возматскем но Кузё-Инмарлэн пиштйсь данлыкез соосты югдытэм. Соос вераны луонтэм кышкаллям. 10 Нош кылчин соослы шуэм: «Эн курдалэ; мон тйледлы быдзым шумпотон ивортйсько, со вань адымиос понна луоз: 11 тй понна туннэ Давидлэн городаз Утись вордйськиз, Со — Христос Кузё-Инмар. 12 Тани тйледлы тодмет: турын тыронысь кутэтэн бинялтэм Нуныез тй шедьтоды». 13 Инмарез данъяса, кылчинэн валче лыдъянтэм трос ин кужымьёс шуак вуиллям но вазиськиллям: 14 «Дан выльсь Инмарлы, музейем вылын каньыллык, адымиослы зеч эрик». 15 Кылчиньёс соос дорысь Инме кошкем бере, пудо возмасьёс ог-огзылы шуиллям: «Мыноме Вифлееме но учкоме, мар отын луиз, кудйз сярысь асьмелы Кузё-Инмар ивортйз». 16 Дыртыса вуиллям но соос Марияез но, Иосифез но, турын тыронын кыллись Нуныез но шедьтйллям. 17 Адзем беразы вераллям, мар ивортэмын вал соослы та Нуны сярысь. 18 Ваньзы кылзйськем муртъёс пудо возмасьёслэн верамзылы паймиллям. 19 Нош Мария вань та кыльёсты сюлмаз

утыса возем. 20 Пудо возьмасьёс ваньмыз понна, мае кылйллям,
мае адзйллям, кызьы соослы верамын вал, Инмарез данъяса,
ушъяса, асьсэ доры бертйллям.